

## Сийрат дарслари (9-дарс)



СИЙРАТ

дарслари 9-дарс

ISLOM.UZ

Сийрат дарслари Шайх Муҳаммад Содиқ Муҳаммад Юсуф роҳимаҳуллоҳнинг «Бу – Расулulloҳ соллаллоҳу алайҳи васаллам» таржима китоблари ва “Ҳадис ва ҳаёт”нинг 19-жузъи асосида бериб борилади. Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.

11:06 / 30.11.2018 4880

60. Оиша розияллоҳу анҳодан ривоят қилинади:

«Ой ўтиб кетса ҳамки, Оли Муҳаммад соллаллоҳу алайҳи васалламнинг хонадонларида олов ёқилмасди, (емагимиз) хурмо ва сув бўларди, холос».

Бухорий ва Муслим ривоят қилишган.

\* \* \*

61. Оиша розияллоҳу анҳодан ривоят қилинади:

«Оли Муҳаммад соллаллоҳу алайҳи васаллам то у зот қабз қилингунларича арпа нонга икки кун кетма-кет тўйишмаган».

Бухорий ва Муслим ривоят қилишган.

\* \* \*

62. Оиша розияллоҳу анҳодан ривоят қилинади:

«Набий соллаллоҳу алайҳи васаллам ширинлик ва асални яхши кўрар эдилар».

Бухорий ва Муслим ривоят қилишган.

\* \* \*

63. Оиша розияллоҳу анҳодан ривоят қилинади:

«Расулуллоҳ соллаллоҳу алайҳи васаллам ширин ва яхна ичимликларни яхши кўрар эдилар».

Термизий ва Ҳоким ривоят қилишган.

\* \* \*

64. Анас ибн Молик розияллоҳу анҳудан ривоят қилинади:

«Бир тикувчи одам таом тайёрлаб, Расулуллоҳ соллаллоҳу алайҳи васалламни чорлади. Мен ҳам у зот билан бирга бордим. Шунда у арпа нон ва қуритилган гўштли, ошқовоқли шўрва қўйди. Набий соллаллоҳу алайҳи васалламнинг лаган атрофидаги ошқовоқни териб еяётганларини кўрдим. Ўша кундан буён ошқовоқни яхши кўраман».

Бухорий ва Муслим ривоят қилишган.

\* \* \*

65. Анас розияллоҳу анҳудан ривоят қилинади:

«Расулуллоҳ соллаллоҳу алайҳи васалламни ушбу косамда турли ичимликлар: асал, набийз, сув ва сут билан сийладим».

Муслим ривоят қилган.

*Набийз-хурмо ёки майизни сувга солиб, ивитиб тайёрланадиган хуштаъм, маст қилмайдиган ичимлик.*